

秀山志卷之十三

詩集五言絕

昭明祠

羅隱

秋浦昭明祠乾坤一白眉神通高學識天下鬼神師

曉謁昭明祠

貴池 劉廷鑾

蔓草積空階僧孤睡正熟山空樹不鳴安得絲與竹

昭明書院

柯日乾

迤邐古行宮不見讀書者古瓦鐫蕭梁斯文知未謝

題秀山僧舍

貴池 舒玠介玉

秀山志

卷之十三 詩集

松風忽暫息泉響亦時平恰動提壺興旋聞搥樂聲

秀山廟

桂林

廟建由來久山空翠靄環行過深樹裏時聽鳥綿蠻

遊秀山謁昭明祠

汪應玉

不圖王霸業惟愛水山清仁孝千年事文章百世名

秀山懷古

李詩

玉鏡潭中月魚磯石下泉此間真樂處不用買山錢

秋浦歌

銅陵 胡承祝華三

秋浦秋風生江涵雁影橫數聲漁笛起月墮鏡潭明

雨過水蒼茫溪花數里香秀山清似洗一鳥破嵐光

蓮花塘

貴池 胡光仁 覲廷

手植知何年千載留遺跡明月落空塘但照波流碧

王鏡潭

東流 張怡裕 遂韶

峰影漾流波參差亂明鏡清宵風月中時有遊人咏

文選閣

貴池 王家棟 漸達

卓哉梁太子大節在彛倫文選牙籤古無過慧業人

天仙橋

東流 張 翮 思遠

高步天仙橋起我逸世想日落晚林幽明月松間朗

秀山志

卷之十三

詩集

二

文選樓夜坐

貴池 林 榮 蔚 起

坐對長燈青起看涼月白空庭爽籟生時來風淅淅

屋角響流水泠泠如鳴琴一洗塵囂耳清宵生道心

坐把青松枝老僧閒不語開簾對南山白雲時入戶

山空寂無人幽禽自來去欲覓山人居雲深疑無路

宿秀山偶成

貴池 胡正邦 斗南

影堂擁榻眠明月落空砌夢破晚鐘初松風動清吹

坐選樓有感

貴池 吳大福

獨坐倚高樓遺文恣心賞山水送清音悠然動遐想

釣臺

桐城 吳巨琛 儒席

潭水澄如鏡 卽山穩 釣磯登臺釣 明月不見雨花飛

釣臺

貴池 陳為霖 天錫

獨踞釣臺上 遊魚任往來 孤情堪自賞 角綺不須陪

秋浦故城

浦南 查孔鐸 子振

蟬聲秋咽雨 樹色晚含烟 秋浦故城地 荒涼溪水邊

秀山志

卷之十三

三